



Broj: UPI 05/2-02-19-5-3/25
Sarajevo, 01.04.2025.godine

Federalno ministarstvo okoliša i turizma, rješavajući zahtjev operatora „Galvanorm“ d.o.o. Konjic na osnovu člana 83. stav (2) i člana 86. Zakona o zaštiti okoliša („Službene novine Federacije BiH“, broj 15/21), člana 4. st. (1) Uredbe kojom se utvrđuju pogoni i postrojenja koja moraju imati okolišnu dozvolu („Službene novine Federacije BiH“ broj 51/21) i člana 200. Zakona o upravnom postupku („Službene novine Federacije BiH“, broj: 02/98 i 48/99) (u daljem tekstu: Uredba), u predmetu izdavanja okolišne dozvole, donosi:

RJEŠENJE

1. Izdaje se okolišna dozvola investitoru PD „Galvanorm“ d.o.o. Konjic za „Sistem upravljanja otpadnim materijalima“ na lokaciji u industrijskoj zoni „Donje polje“, općina Konjic i to u dijelu zemljišta označenog kao k.č. 1223/14, 1223/15 i 1223/91 K.O. Konjic I. Pravo vlasništva na zemljištem i objektima na lokaciji pogona operatora PD „Galvanorm“ d.o.o. Konjic ima PD „Eurosaj“ d.o.o. Konjic. Ugovorom broj: 509-1/22 od 23.12.2022. PD „Eurosaj“ d.o.o. Konjic je dao u zakup navedeni prostor operatoru PD „Galvanorm“ d.o.o. Konjic na neodređeno vrijeme.

2. Postrojenja i objekti za koje se izdaje okolišna dozvola

Najbliži stambeni objekti od lokacije pogona se nalaze na udaljenosti od oko 400 metara na sjevernoj strani prema gradu i na istočnoj strani prema brdu Zlatar, udaljenost ograde lokacije pogona od korita rijeke Neretve iznosi oko 70 metara. Pristup pogonu vrši se kroz glavni ulaz u Industrijsku zonu „Donje polje“, koji se nalazi na sjevernoj strani lokacije, koji je povezan pristupnom cestom sa lokalnom cestom Konjic – Glavatičevo, a preko ove ceste i sa magistralnom cestom M17 Mostar - Sarajevo.

Operator PD „Galvanorm“ d.o.o. Konjic vršit će upravljanje raznim vrstama neopasnih i otpadnih materijala (sakupljanje, transport, privremeno skladištenje i obrada – tretman) na lokaciji pogona u Industrijskoj zoni „Donje polje“ u općini Konjic, za koje je registriran. Izuzetak je upravljanje građevinskim otpadom sa sadržajem azbesta. Upravljanje ovim vrstama otpada vršit će se na mjestu produkcije; sakupljanje, pakovanje i transport do lokacije ovlaštenog operatora za njegovo konačno zbrinjavanje. Operator PD „Galvanorm“ d.o.o. Konjic će vršiti preuzimanje ostalih otpadnih materijala od proizvođača i prodavača prema Ugovoru ili Sporazumu koji je zaključio ili će zaključiti prema odredbama „Pravilnika o potrebnim uvjetima za prenos obaveza sa proizvođača i prodavača na operatora za prikupljanje otpada“ (Službene novine Federacije Bosne i Hercegovine broj: 9/05).

Operator na lokaciji pogona u Industrijskoj zoni „Donje polje“ vršit će upravljanje otpadnim materijalima sljedećih osnovih vrsta (grupa):

- otpadne tehnološke (industrijske) vode,
- nesortirani otpadni materijali,
- otpad od električnih i elektronskih otpada,
- građevinski otpad koji sadrži azbest,
- otpadna ulja i masti.